



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

Quòd Aelurus Timotheus Alexandrino episcopatu recuperato, patriarchatus
ius ecclesiae Ephesinae reddens, Chalcedonense concilium anathemate
percellabat. Cap. VI.

urn:nbn:de:hbz:466:1-12718

quidem infinitæ cædes factæ, sanguisq; orthodoxorum iniuste & iniquè fusus est) exigua admodum videri. Postea etiã addit: Contestamur coram Seruatore nostro Iesu Christo nostrum cultum erga deum & pietatem liberam esse: oramusq; ut cum illi tum præcipue episcopus Constantinopolis, qui nequiter multis in rebus suo officio functus deprehenditur, iusto, canonico, & ecclesiastico iudicio condemnetur, abdiceturq; episcopatus gradu. Zacharias porro ista quoq; scribit ad hunc modum. Literis imperatoris, quas scripsit generatim ad omnes, diulgatis, monachi, qui Constantinopoli peruerso errore Eutythis infecti erant, rati se, cum Timotheum & literas imperatoris nacti fuissent, subsidia ad hæresim suam tuendam inuenisse, sperantesque se iam suum institutum commodè posse persequi, propere ad Timotheum se conferunt: ac cum à Timotheo, qui Dei verbum secundum carnem nobis consubstantiale, patri autem consubstantiale secundum diuinitatem ostendit, essent refutati, domum reuerterunt.

Quod Aclurus Timotheus Alexandrino episcopatu recuperato, patriarchatus ius ecclesiæ Ephesinæ reddens, Chalcedonense concilium anathemate percellerat. Cap. VI.

Idem scriptor narrat Timotheum Constantinopoli egressum, perrexisse Ephesum, Paulumq; illius urbis pontificem (qui quidem iam dudum ab episcopis prouinciæ, sicut vetus ecclesiæ consuetudo postulat, creatus fuerat, sede tamen post exciderat) in sede episcopali collocasse. Reddidit præterea idem Timotheus ecclesiæ Ephesinæ ius patriarchatus, quod concilium Chalcedonense, uti ante demonstratum est, ei ademerat. Inde tandem soluit, petitque Alexandriam: ibi ab omnibus, qui ad eum accedebant, postulauit, ut concilio Chalcedonensi anathema denuntiarent. Resilierunt ab eo, sicut à Zacharia traditum est, cum alij complures suæ factionis, tum Theodotus, vnus ex eorum numero, qui Ioppe à Theodosio, episcopo tum à quibusdam designato Hierosolymorum, cum Iuuenalis Constantinopoli confugerat.